



KEMENTERIAN PENGANGKUTAN
MALAYSIA

KENYATAAN MEDIA

SURAT KEBENARAN BEROPERASI BAGI SEKTOR LOGISTIK DAN PENGANGKUTAN MELALUI SISTEM SMILE DAN AKTIVITI YANG DIBENARKAN SEMASA TEMPOH PPN DAN PKPD

Susulan pengumuman Pelan Pemulihan Negara (PPN) dan pelaksanaan Perintah Kawalan Pergerakan Diperketat (PKPD) di beberapa mukim di negeri Selangor dan beberapa lokaliti di Wilayah Persekutuan Kuala Lumpur bermula dari 3 Julai 2021 sehingga 16 Julai 2021, Kementerian Pengangkutan Malaysia (MOT) ingin memaklumkan bahawa pemain industri sektor logistik dan pengangkutan **boleh terus menggunakan surat kebenaran beroperasi (Sistem SMILE) bertarikh dari 1 Jun 2021 dan ke atas bagi pemeriksaan di Sekatan Jalan raya (SJR).**

Walaupun bagaimanapun, surat terbaharu dengan pindaan mengambilkira peralihan dari Fasa PKP ke Pelan Pemulihan Negara (PPN) sedia dimuat turun pada hari ini, 5hb Julai 2021 dari sistem SMILE melalui laman sesawang <https://application.mot.gov.my>. Pemain industri digalakkan untuk memuat turun surat ini.

Bagi aktiviti *loading/unloading* barangan *non-essential*, ianya hanya dibenarkan di kawasan luar PKPD sahaja (di seluruh negara) berdasarkan kepada SOP sedia ada. Manakala bagi kawasan dalam PKPD, ianya hanya terhad kepada syarikat pergudangan sahaja kerana syarikat ini merupakan perkhidmatan rantai kepada pelabuhan





KEMENTERIAN PENGANGKUTAN
MALAYSIA

dan lapangan terbang (*services to ports and airports*) yang mana perkara ini jelas dibenarkan dalam SOP PKPD Selangor. Bagi sektor selain pergudangan, aktiviti *loading/unloading* hanya terhad kepada syarikat yang tersenarai dalam senarai *essential* PKPD sahaja.

Sektor pergudangan tidak tertakluk kepada had operasi barangan *essential* sahaja kerana ianya menyediakan perkhidmatan penyimpanan dan pemunggahan barangan siap kepada pelabuhan. Aktiviti sektor pergudangan ini tidak melibatkan sebarang aktiviti pembuatan. Sehubungan itu, sektor pergudangan boleh terus beroperasi tanpa kekangan kepada jenis barangan *essential* dan *non-essential*.

Senarai penuh bagi perkhidmatan perlu yang dibenarkan bagi sektor pengangkutan dan logistik adalah seperti di **“LAMPIRAN I”**

KEMENTERIAN PENGANGKUTAN MALAYSIA

5 Julai 2021

- TAMAT -





KEMENTERIAN PENGANGKUTAN
MALAYSIA

Tentang MOT:

Kementerian Pengangkutan Malaysia bertekad untuk menjadi peneraju transformasi sistem pengangkutan yang bersepadu, efisien dan selamat dengan memperkasakan sistem pengangkutan berteraskan teknologi sebagai pemangkin pembangunan negara.

Pertanyaan Media

Kementerian Pengangkutan Malaysia

Tel 1-800-88-7723
Faks +603 8892 0208
E-mel aduan@mot.gov.my





KEMENTERIAN PENGANGKUTAN
MALAYSIA

LAMPIRAN I

SENARAI PENUH PERKHIDMATAN PERLU YANG DIBENARKAN BAGI SEKTOR PENGANGKUTAN DAN LOGISTIK

- I. Pengangkutan laut, udara dan maritim; barangan dan pengangkutan awam.
- II. Pelabuhan dan lapangan terbang
- III. Perkhidmatan kepada pelabuhan dan lapangan terbang seperti:
 - Pergudangan
 - Off dock/ on dock depoh
 - Freight forwarders/ejen kastam
 - Limbungan
 - Kren di pelabuhan dan off dock
 - Pemusnahan dagangan zon bebas (free trade cargo zone disposal)
 - Cargo survey
 - Pembekalan keperluan kapal (hardware & refrigerant)
 - Pembekalan keperluan kapal (ship chandling)
 - Kerani hitung banding (tally clerk)
 - Lashing & unlashing
 - Membekal air bersih (fresh water supply)
 - Membekal pemandu kapal-kapal Ro-Ro (Ro-Ro stevedore service)
 - Pembekalan minyak bunker kapal (bunker services)
 - Pembekalan jentera konveyor (conveyor machinery supply)
 - Pembekalan jentera kren (crane machinery supply)
 - Pembekalan jentera punggung (auxiliary cargo equipment)





KEMENTERIAN PENGANGKUTAN
MALAYSIA

- **Pembekalan net keselamatan (safety net supply)**
 - **Pembekalan stevedoring gears**
 - **Pembersihan tumpahan dagangan berbahaya (hazardous substance spillage cleaning)**
 - **Penerimaan sisa buangan kapal berjadual (reception facility for ship schedule waste)**
 - **Pengendalian dagangan pukal (bulk cargo handling)**
 - **Pewasapan kontena (fumigation)**
 - **Penerimaan sisa buangan sampah domestik kapal (garbage disposal)**
 - **Stevedoring**
 - **Trimming gang**
 - **Penyelaman (diving) bagi aktiviti pengimpalan bawah perut kapal (underwater hull repair works)**
 - **Pengerukan dan aktiviti berkaitan termasuk survei bawah laut. (dredging and underwater survey)**
 - **Pemaliman (pilotage)**
 - **Pembekal minyak pelincir kapal (lubricant)**
 - **Servis kepada bot & pelabuhan (boat and port services)**
 - **Perkhidmatan Pengendalian Darat (Ground Handling Services) seperti Pengendalian Bahan Api (refuelling), Katering, Pengendalian Kargo, Penumpang, Bagasi, Pentadbiran dan Penyeliaan Darat, Pengendalian Muatan dan Mel**
- IV. Operasi courier/p-hailing (penghantaran barangan melalui kenderaan persendirian dan perdagangan)**
- V. Perkhidmatan terminal pengangkutan awam (public transport terminals)**

